

23. TIPOL MOUTAILLE

Alors un fois ti ennan un z'homme avec un femme. Zotte ti enna juste un enfant, un p'tit garçon qui ti appelle Tipol. Quand Tipol ti fine gagne l'age six ans, aulieu qui zotte ti envoie li lecol, zotte envoie li travaille cote un malbar qui ti appelle Pooramasez, et li sa malbar y pas ti ena un grand magasin, y ti vendre seulement un peu du riz, du sucre, poisson sale, biscuit, gateaux, moutailles, gateaux piment, enfin bande z'affaire grain sec. Tipol ti bien content travaille avec Pooramasez, parceque la ti ennan un l'autre ti Aya qui ti appelle Poonoorangey. Li Tipol avec Poonoorangey zotte ti frille moutailles avec gateau piment tous le bo matin.

Après trois an qui Tipol ti fine travaille son papa y mort. Après l'enterment y trouve son manman encore pe pleurer. Alors y dire dans son l'idée. Auzordi soir moi dormi cote mon maman, mais son maman y cone son l'idée y dire li "Tipol ou pas alle dans ou l'ouvrage." Y dire son maman demain moi va aller. Son lendemain y passe y pas alle, son lendemain y faire pareille. Jour Tipol y rapporte son le corp cote son bourgeois, Pooramasez y dire li; "Mon pas besoin ou encore, depuis jour ou fine alle mon fine capable faire mon l'ouvrage et mon croire qui moi capable fer li a l'avenir.

Tipol i retourne cote son maman avec un gros le coeur acause y ti quitte son z'ami Poonoorangey. L'heure qui y ti arrive chez son maman, son maman y dire li "Mon ti dire ou retourne desuite cote ou bourgeois, mais ou pas ti oule écoute, la qui nous pour faire, nous napas mange, sa p'tit l'argent qui nous a na mon fini ramasse ou papa, ou meme ou connais, mon fine donne li un cerceuille bois noire vernie, café et du sucre a soir pour ca qui ti cote le corps et meme trois paquets la bougies, avec un l'enterment premier classe, la mon ti pour descendre magasin cote ou bourgeois pour vine rode un peu mange lo ou contre, be la comment nous pour faire." Tipol y dire " pas tracasser maman, mon enna dans mon poche Trente Roupies l'argent qui malbar fine donne moi auzordi, moi donne ou 15 roupies ou vas prend du riz avec les autre z'affaire pour 10 roupies. 5 roupies nous a vas achete poisson, sa l'autre 15 roupies mon va faire un travaille." Mais son maman y

demande li qui travaille oule faire? Pengar ou fine apprendre jouer matouloumba leur ou ti cote sa malbar." Tipol y dire "non maman, mon fine apprendre faire moutaille, gateaux piment et tous sa bande z'affaire fruiture, mon assure qui mon pas pour perdu mon l'argent." Son maman y dire li "Si bon Dieu y pitie." Tipol y dire si nous ana confiance. Son apres midi Tipol y alle la Boutique y achete tous son necessaire pour commence son travaille.

Son lendemain Tipol ti commence vendre son gateaux. Plus ti achete par z'enfants l'ecole et son commerce ti marche bien. Arrive un jour y vine avec son l'amal y mette lo roche cote y ti habitue vendre avec z'enfant l'ecol, ti ennan marmailles qui ti fine vine achete et li y ti attrape sa moutaille avec son la main pour donne zotte et apres y ti change l'argent et dans son boite l'argent qui ti lo un roche ti fine gagne de l'huile. Apeu pres 8 heures du matin, soleil y frappe fort lo sa roche cote Tipol ti pe vendre son gateaux, et ti ennen au bord li un douzaine z'enfants, y dire zotte coute moi sorti dans soleil moi mette mon l'amal l'autre cote chemin, mais l'heure qui y prend lamal, y blie son boite l'argent lo roche, quand y ti arrive l'autre cote, marmailles fine arriver, un p'tit fille y dire li donne moi deux moutailles, et sa p'tit fille y donne li 25 sous pour change, alors la qui y magine apres son boite y ferme son lamal et y alle cote y ti quite son boite y voir boite dans meme place lo roche, mais y ti desolee quand y ti attraper son boite ti leger, y secoue napas un sou qui sorti, et dans son boite ti ennen trois roupies un l'echange et plis tous l'argent qui y ti fine vende depuis la matin. Alors Tipol y commence pleure. Alors ti trouve qui un juge y traverse dans son loto y voir sa bande marmaille et y voir Tipol pe pleure, la pe pleurer, la y asete y demande qui fine arrive. Tipol y dire qui z'enfant ine vole son l'argent, ti ennan 3 roupies l'argent change et plus l'argent qui y ti fine vende depuis le matin. Alors juge y dire avec z'enfant sa qui fine prend son l'argent rendre li. Tous z'enfants y dire pas moi, alors juge y faire appele 3 gardes et y dire avec sa trois garde, amene sa bande z'enfants en cour, zotte va servi un temoin pour sa piti qui sa roche ine vole son l'argent, et plus gagne cantoniers faire amene sa roche en cour. L'heure qui roche avec z'enfant ti fine arrive en cour, juge y dire "Roche ou accuse d'avoir

vole l'argent Tipol, ou coupable sois ou pas coupable." Mais roche pas repondre, juge ti demande avec roche sa parolle en trois fois, mais roche napas la bouche, et plis roche jamais fine deja cause, alors sa juge y condamne sa roche 20 coup-de-rotin et pour batte li la meme divant tous sa bande temoins. Sergeant li alle acherche un rotin maurice y commence batte sa roche, juge y dire tire tous ou courage faire li senti, comme sa y a va quitte voleur, mais quand Sergeant ti fine tappe 6 coups, rotin y casse et tous sa marmailles y commence rie. Alors juge y dire zotte pas conne qui ici en cour y defendre rie, et y dire garde ferme sa laporte, la mon condamne tous sa bande z'enfant 10 sous l'amende. Celui qui napas y va gagne 10 coup de rotin ausoie ya vas faire 10 jour prison et emene moi un cuvette de l'eau propre pour zotte paye zote la mande la dans.

Alors garde ti arrive sa cuvette de l'eau la juge y dire celui qui pour payer vine payer largue 10 sous dans sa cuvette un par une, sa qui oule alle dans prison passe a gauche, sa qui oule gagne bate reste a droite, Pauvre z'enfants bande qui ti napas l'argent ti dans un l'embaras. Alors y sorti 4 z'enfants parmis la bande qui dire Monsieur moi paye juge y dire be degage mon besoin travaille vini de suite, alore premier y largue son 10 sous juge y guete y dire li alle. Deuxieme pareille troisiem comment y largue dis sous, y monte de l'huile lo di'leau juge y dire avec garde attrape sa un, fouille dans son tente et puis dans son poche. Dans son tante de l'huile avec son cahier son livre et conte l'argent qui ti enna meme quantite qui Tipol ti fine perdi. La ti donne li un lecon avec sa rotin, l'heure qui y ti trouve encore l'argent y ti taille, et jamais y ti essaye vole encore l'argent ni mange moutailles.